

LUTRIJA BOSNE I HERCEGOVINE d.o.o.
S A R A J E V O

Broj: 1451-7-SH/25

Datum: 04.07.2025. godine

Na osnovu člana 69. Zakona o javnim nabavkama BiH („Službeni glasnik BiH“, br. 39/14, 59/22 i 50/24), člana 14. Pravilnika o javnim nabavkama Lutrije BiH br. 03-3158/22 od 09.12.2022. godine i Rješenja br. 1451-4-SH/25 od dana 20.06.2025. godine po izjavljenoj žalbi privrednog subjekta „GLOBAL LOGISTIC“ d.o.o. Banja Luka izjavljenoj putem punomoćnika Vladimira Dragičevića, advokata iz Banja Luke, direktor Lutrije Bosne i Hercegovine, donosi

O D L U K U

**o otkazivanju otvorenog postupka javne nabavke
broj 073/25 od 04.06.2025. godine**

1. Otkazuje se otvoreni postupak javne nabavke usluga br. 073/25, *održavanje klima uređaja u objektima Lutrije BiH* od 04.06.2025. godine, objavljenom na Portalu javnih nabavki pod brojem 523-1-2-75-3-66/25 dana 04.06.2025. godine i u Službenom glasniku BiH br. 34/25 dana 09.06.2025. godine.
2. Postupak iz tačke 1. ove odluke otkazuje se u skladu sa članom 69. stav (3) ZJN BiH i u vezi sa članom 100. stav (3) ZJN BiH.
3. Za realizaciju ove odluke odgovoran je Sektor za pravne i opšte poslove i Sektor za finansijske poslove.
4. Dalji postupak po ovoj odluci provesti u skladu sa Zakonom o javnim nabavkama BiH, te Pravilnikom o javnim nabavkama Lutrije BiH.
5. Ova odluka se primjenjuje danom donošenja.

Obrazloženje

Dana 04.06.2025. godine, Odlukom direktora Lutrije BiH pokrenut je otvoreni postupak javne nabavke br. 073/25, koji za predmet ima nabavku usluga, održavanje klima uređaja u objektima Lutrije BiH.

Obavještenje o javnoj nabavci, objavljeno je dana 04.06.2025. godine na portalu javnih nabavki pod brojem 523-1-2-75-3-66/25 i u Službenom glasniku BiH broj 34/25 od 09.06.2025. godine. Tenderska dokumentacija za predmetnu javnu nabavku postavljena je na portalu javnih nabavki u sistemu „E-nabavke“.

Lutrija BiH je zaprimila Žalbu žalitelja „GLOBAL LOGISTIC“ d.o.o. Banja Luka izjavljenu putem punomoćnika Vladimira Dragičevića advokata iz Banja Luke, na tendersku dokumentaciju br. 1451-2-FN/25 od 04.06.2025. godine, za nabavku usluga, održavanje klima uređaja u objektima Lutrije BiH.

Razmatrajući žalbene navode Žalitelja, ugovorni organ je utvrdio da su žalbeni navodi u većem dijelu osnovani, te da tenderska dokumentacija sadrži niz nedostataka koji mogu dovesti do:

- narušavanja principa transparentnosti i jednakog tretmana ponuđača,
- pravne nesigurnosti u daljem toku postupka.

Obzirom da bi eventualna izmjena tenderske dokumentacije zahtijevala temeljitu i obimnu rekonstrukciju njenih ključnih dijelova, ugovorni organ ocjenjuje da nije moguće izvršiti zakonitu i pravovremenu izmjenu, bez suštinske izmjene osnovnih uslova i strukture nabavke.

Stoga je, primjenom čl. 100. stav (3) i 69. stav (3) ZJN BiH, odlučeno da se tenderska dokumentacija poništi u cijelosti i postupak otkaže, jer su ispunjeni uslovi za otkazivanje zbog postojanja objektivnih i dokazivih razloga, a sve na osnovu zaprimljene žalbe potencijalnog ponuđača.

Uzimajući u obzir naprijed navedeno, odlučeno je kao u dispozitivu ove odluke.

POUKA O PRAVNOM LIJEKU:

Protiv ove odluke, svaki ponuđač koji je učestvovao u postupku nabavke, može izjaviti žalbu Uredu za razmatranje žalbi BiH putem Ugovornog organa i to na način i u rokovima prema članu 99, 101. i 105. Zakona o javnim nabavkama, u roku od 10 (deset) dana od dana prijema ove odluke.

Dostaviti:

- Sektor za pravne i opšte poslove
- Sektor za finasijske poslove
- Sektor za tehničke poslove
- Komisiji za javne nabavke
- Nadzornom odboru
- Ponuđačima po javnoj nabavci 073/25
- a/a

 **DIREKTOR**
Edhem Pašukan
Edhem Pašukan